



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fulvii Androtii Societ: Iesv Theologi Opuscula spiritualia

Androzzi, Fulvio

Coloniae, 1611

V. Modus accomodatus septem Sanctorum ordinibus.

[urn:nbn:de:hbz:466:1-48641](https://nbn-resolving.org/urn:nbn:de:hbz:466:1-48641)

mentis & malis finem imponeres per mortem tuam, animam tuam in tutela solius Patris tui esse voluisti, dicens. *Pater in manus tuas commendo spiritum meum.* Da quaeso domine gratiam illam singularem, ut in hora mortis nostrae sic commendemus animam nostram tibi & Patri coelesti, ut ab omni malo culpae, & poenae liberi hinc discedamus, & tecum aeterna quiete fruamur in saecula saeculorum, Amen.

VII.
Luc. 23

V. MODVS.

ACCOMMODANS SEPTEM

petitiones orationis Dominicae ad

septem ordines San-

ctorum.

PATER NOSTER.

OMNIPOTENS sempiternae Deus, conditor caeli, & terrae, & Pater omnium nostrum qui tam in caelo, quam in terra versamur.

QVI ES IN COELIS.

Licet enim per essentiam, potentiam, & praesentiam ubique sis nullo loco exclusus, tamen singulariter versaris in supremis caelis, ubi gloriam & maiestatem tuam omnibus sanctis Angelis & hominibus declaras.

L. 6 SAN-

SANCTIFICETVR NOMEN
TVVM.I.
Angeli.

Rogo te supplex per Beatiss. Virginis Marię spirituumque cœlestium merita, vt quemadmodum illi nomen tuum sanctificant, laudant, celebrant, & in perpetuū celebrabunt: Ita ego cū omnibus creaturis adhuc in hac valle lacrynarū existentibus, illud vsque ad finem vitę sanctificare, laudare, & celebrare possim.

II.
Propheta.

ADVENIAT REGNUM TVVM.

Rogo quoque per preces, lacrymas, suspiria, vota & desideria sanctorum Patriarcharum & Prophetarum, vt quemadmodum illi varijs locis & temporibus impensissimè aduentū Regni Christi expectarunt in terram, ita nos quoque ad verum regnum Christi spirituale huius vitę, quod consistit in iustitia & sanctitate, tum alterius, quod consistit in summa fœlicitate animi & corporis, ardentè aspiremus.

FIAT VOLVNTAS TVA SICVT
IN COELO BT IN
TERRA.III.
Apostoli.

Primi omnium Domine, qui voluntatem tuam perfectè explerunt in terra, fuere Apostoli & Eūangelistę. In illorum enim intendebat digitos Christus cum
dice

COMMVNIONE. 229

diceret. *Quicūq; fecerit voluntatem patris mei qui in caelis est, ipse meus frater, & soror & mater est.* Illi verè verbo & scriptis voluntatem tuam toti mundo promulgarunt, eamque vitæ exemplo & factis, in obseruatione, tum mandatorum, tum etiam consiliorum diuinorum expresserunt. Itogo ergo Domine, vt nos quoque strenuè voluntatem tuam & vitæ exemplo faciamus, & alios etiam libenter doceamus, & ita cū Apostolis Christum filium tuum imitemur, de quo *Act. 1.* scriptum, *quod coepit facere & docere.*

PANEM NOSTRVM QVOTIDIANVM DANOBIS
HODIE.

Quia enim ad præstandam diuinam voluntatem tuam Domine, auxilio quoque tuo opus habemus, tu enim vt in nobis velle, ita etiam perficere operaris *Phil. 1.* pro bona tua voluntate: auxilio inquam, panis non tam corporalis, quo corroboremur in perferendis laboribus & tribulationibus vitæ Christianæ, sicut fecerunt olim S. Martyres, qui vt fortiores essent in tolerandis grauissimis quibusque tormentis & supplicijs quotidie *4. Martyres.* se pane sacri corporis tui & sanguinis corroborarunt: rogamus per omnium S. Martyrum merita, vt nobis quotidie

M 7 hoc

hunc panem in sacro Missæ officio,
non iam sacramentaliter saltem spiri-
tualiter communicare velis.

ET DIMITTE NOBIS DEBITA
NOSTRA, SICUT ET NOS
DIMITTIMVS DEBITO-
RIBVS NOSTRIS.

3. CO N-
FESSO-
RES.

Quoniam verò non solum hoc ce-
lesti pane, sed etiam omni gratia tua &
auxilio, clementissime Pater, indigni-
sumus, hoc quoque ad cumulum tuorum
donorum adiunge, ut per merita sum-
morum PONTIFICVM, EPI-
SCOPORVM, CONFESSO-
RVM QVE omnium Sanctorum; qui
hoc officium tuo munere sustinuerunt,
ut peccata hominum dimittere possent,
mihi omnia peccata mea, tam mortalia
quàm venialia dimittantur. Et sicut illi
omnes labores & vigiliis suas eo retu-
lerunt, ut homines è faucibus diaboli, &
infernì, concionibus & scriptis libris
extraherent, ita ego quoq; omnia mea
studia & conatus eo dirigam, ut primò
animam meam, tum etiam aliorum pro
talento mihi concesso ex sordibus see-
lerum extrahere possim.

E.T

COMMVNIONE. 238

ET NE NOS INDUCAS IN
TENTATIONEM.

Domine etiamsi immunes simus à peccatis, tamen à tentatione noluit nos esse immunes. Dixit enim Angelus ad Tobiam. *Quia acceptus eras Deo, necesse fuit ut tentatio probaret te.* Vnde nulli maiores Satanæ, carnisque tentationes sustinuerunt, & fortiter vicerunt, quàm qui sanctitate alijs præstiterunt; ut fuere sancti eremitæ, Antonius, Hilazion, Macharius, & alij Monachi. *Vixisti, inquit quidam, inter aspides, seuisque cum draconibus, porteta nec teterrima vos terrere demonum.* Rogo ergo te Domine, ut mihi per omnium anachoretarum sanctorum, aliorumque monachorum innumerabilium merita, gratiã impetiri velis, ut inter quotidianas tentationes arma spiritualia suppetant ad conculeandum Satanam, carnem, & mundum sub pedibus, ne vnquam ad assensum eorum prauis suggestionibus præstandum inducar.

Tob. 12.

6. Monachi.

SED LIBERA NOS A MALO.

Ab omni malo pœnæ & culpæ, Domine liberare me digneris, & si places ab omnium malorũ fonte, praua concupiscentia, ut in summa puritate & integritate mentis ac corporis, si-

ut

7. *Virgines.* *Virgines & Viduae*
 quarum sanctissimam memoriam
 quotannis recolit Ecclesia, vitam dei-
 ceptis institueri possim. Illæ enim ab
 omni peccato, omniq; impuditiæ le-
 be & malo tam immunes fuere, ut po-
 tius vitam amittere, quàm castitatem,
 potius atrocissima supplicia subire, quàm
 voluptati carnis locum dare voluerint.
 Unde & in cœlo præter communem
 omnium fœlicitatem singularem
 Virginitatis aureolam
 meruerunt.

A M E N.

